

Na osnovu člana 56. Zakona o organizaciji organa uprave u Federaciji Bosne i Hercegovine („Službene novine Federacije BiH”, broj: 35/05), u skladu sa Odlukom o usvajanju Programa utroška sredstava sa kriterijima raspodjele sredstava Programa „Razvoj i afirmacija sporta i sportskih djelatnosti i podrška i promocija mladih“ tekućeg transfera neprofitnim organizacijama - Transfer za sport od značaja za Federaciju BiH utvrđenog Budžetom Federacije Bosne i Hercegovine za 2026. godinu Federalnom ministarstvu kulture i sporta - Federalnom ministarstvu kulture i športa („Službene novine Federacije BiH”, broj: 26/26), federalna ministrica kulture i sporta objavljuje

PONOVLJENI JAVNI POZIV

za odabir projekata iz oblasti sporta koji će se sufinansirati od preostalih sredstava na osnovu Odluke o usvajanju Programa utroška sredstava sa kriterijima raspodjele sredstava tekućeg transfera - Transfer za sport od značaja za Federaciju BiH

Sredstva za sufinansiranje projekata dodjeljivaće se u skladu sa Odlukom o usvajanju Programa utroška sredstava sa kriterijima raspodjele sredstava Programa „Razvoj i afirmacija sporta i sportskih djelatnosti i podrška i promocija mladih“ tekućeg transfera neprofitnim organizacijama - Transfer za sport od značaja za Federaciju utvrđenog Budžetom Federacije Bosne i Hercegovine za 2026. godinu Federalnom ministarstvu kulture i sporta - Federalnom ministarstvu kulture i športa.

TRANSFER ZA SPORT OD ZNAČAJA ZA FEDERACIJU BIH

PROGRAM 1 – Finansiranje programa i projekta iz oblasti sporta

I Odabir projekata vršiće se za sljedeće namjene:

1.4. Sufinansiranje sportskih udruženja i klubova osoba sa invaliditetom

Ukupan iznos raspoloživih sredstava je 65.000,00 KM

Sredstva će se dodjeljivati u rasponu od 4.000,00 KM do 6.000,00 KM;

II Cilj Javnog poziva

Cilj Javnog poziva je podrška projektima i programima u području sporta koji:

- pružaju institucionalnu i finansijsku podršku udruženjima od značaja za BiH i FBiH
- podstiču uključivanje ranjivih kategorija u sportske aktivnosti;
- podržavaju projekte koji afirmišu polnu ravnopravnost u sportu;

III Pravo podnošenja zahtjeva

Pravo podnošenja zahtjeva na ovaj Javni poziv imaju sportske organizacije, klubovi, udruženja i drugi nosioci koji obavljaju djelatnosti u oblasti sporta registrovani u Federaciji

Bosne i Hercegovine, osim privatnih organizacija osnovanih sa ciljem ostvarenja profita. Finansirat će se isključivo projekti koji započinju i završavaju u 2026. godini.

Na ovaj Javni poziv nemaju pravo aplicirati korisnici sredstava Federalnog ministarstva kulture i sporta koji nisu u cijelosti ili djelomično namjenski utrošili i opravdali dobivena sredstva u 2025. godini, u skladu sa rokom navedenim u ugovoru.

Korisnici koji su podržani direktno kroz Odluku o usvajanju Programa utroška sredstava sa kriterijima raspodjele sredstava programa "Razvoj i afirmacija sporta i sportskih djelatnosti i potpora i promocija mladih" tekućeg transfera neprofitnim organizacijama - Transfer za sport od značaja za Federaciju utvrđenog Budžetom Federacije Bosne i Hercegovine za 2026. godinu Federalnom ministarstvu kulture i sporta (potprogram 1.10) nemaju pravo aplicirati na ovaj javni poziv.

Aplikanti koji su dobili finansijsku podršku direktno kroz Javni poziv Federalnog ministarstva kulture i sporta na osnovu dijela prihoda ostvarenih na osnovu naknada za priređivanje igara na sreću MOGU aplicirati na aktuelni poziv.

Aplikanti koji su u 2026. godini već ostvarili finansijsku podršku kroz Program 1, tačka 1.4. „Sufinansiranje sportskih udruženja i klubova osoba sa invaliditetom“ NE MOGU aplicirati na aktuelni poziv.

IV Opšti i posebni kriteriji za raspodjelu sredstava potprograma 1.4. „Sufinansiranje sportskih udruženja i klubova osoba sa invaliditetom“

Opšti kriteriji za tačku 1.4. „Sufinansiranje sportskih udruženja i klubova osoba sa invaliditetom“:

1. Registracija sportskih udruženja i klubova koji su registrovani isključivo za osobe sa invaliditetom;
2. Kvalitet programa/projekta;
3. Dugogodišnji kontinuitet;
4. Doprinos razvoju sporta;
5. Uvažavanje ravnopravnosti polova;
6. Uključenost mladih;

Posebni kriteriji:

7. Značaj manifestacije sa ciljem razvoja sporta kod osoba sa invaliditetom;
8. Promovisanje sportskih aktivnosti osoba sa invaliditetom uz uvažavanje ravnopravnosti polova;
9. Step en obezbjeđivanja i podsticanja vrhunskih sportskih rezultata osoba sa invaliditetom;
10. Značaj projekta za afirmaciju sportskih ekipa na međunarodnim takmičenjima - *dokazati primjerom*;
11. Značaj za razvoj sporta i uključivanje što većeg broja sportista sa invaliditetom.

V Dokumentacija

Obavezna dokumentacija i dokumentacija za posebne kriterije dostavlja se numerisana istim slijedom kako je navedeno. Numeriše se svaki papir/stranica redom, mora biti **spiralno uvezana** u cjelinu.

Dokumentacija koja ne bude uvezana i numerisana na prethodno navedeni način **neće biti uzeta u razmatranje** i smatraće se formalno-pravno neispravnom.

Obavezna dokumentacija:

1. Prijavni obrazac, elektronski popunjen, potpisan i ovjeren pečatom pravnog lica, dostupan na web stranici Ministarstva (original);
2. Uvjerenje o poreznoj registraciji – identifikacioni broj (original ili ovjerena kopija);
3. Rješenje o razvrstavanju - klasifikacija djelatnosti (kopija);
4. Uvjerenje Porezne uprave o izmirenim poreznim obavezama aplikanta ne starije od šest mjeseci do dana objave javnog poziva (original ili ovjerena kopija);
5. Aktuelni izvod iz registra, ne stariji od šest mjeseci do dana objave javnog poziva (original ili kopija ovjerena u opštini ili u notarskom uredu);
6. Rješenje o upisu registar u kojem su navedeni ciljevi i zadaci udruženja usmjereni isključivo na osobe sa invaliditetom (ne rješenje o upisu promjena u registar u kojem nisu navedeni ciljevi i zadaci udruženja) - kopija ovjerena u opštini ili u notarskom uredu;
7. Potvrda banke ne starija od tri mjeseca do dana objave javnog poziva (original ili ovjerena kopija), u kojoj je navedeno:
 - da račun nije blokiran,
 - broj transakcionog računa,
 - ID broj korisnika;
8. Bilans stanja i bilans uspjeha ili Račun prihoda i rashoda za 2025. godinu, sa vidljivim pečatom Finansijsko informatičke agencije (FIA). Subjekti registrovani u 2026. nisu obavezni dostavljati bilans stanja i bilans uspjeha.
9. Izvještaj o rezultatima i aktivnostima iz prethodnih godina sa navedenim brojem aktivnih klubova/članova (original);
10. Izvještaj o postignućima sportista u okviru prethodnog perioda od 3 godine (original ili ovjerena kopija);
11. Dokaz o osiguranim sredstvima (ugovori, sponzorstva, donacije, sufinansiranje iz drugih izvora, izjava, izvod iz banke) - original ili ovjerena kopija;
12. Dokaz o sudjelovanju na takmičenjima - dokumentacija koja potvrđuje učešće sportista/osoba sa invaliditetom na državnim ili međunarodnim takmičenjima (pozivna pisma, potvrde) (original ili ovjerena kopija);

Dodatna dokumentacija:

1. Preporuka Paraolimpijskog komiteta Bosne i Hercegovine ili strukovnog saveza o značaju projekta/programa (original ili ovjerena kopija);
2. Izvještaji o prethodnim projektima ili takmičenjima koji uključuju osobe sa invaliditetom (kopija);
3. Preporuke ili programi koji promovišu ravnopravnost spolova u sportu osoba sa invaliditetom (original);
4. Dokaz da je aplikant ispunio uslove za učestvovanje na državnom ili međunarodnom takmičenju (pozivno pismo, kalendar međunarodne sportske federacije ili potvrda Paraolimpijskog komiteta BiH o ispunjenju uslova za učestvovanje na državnom ili međunarodnom takmičenju osoba sa invaliditetom) (original ili ovjerena kopija);

VI. Dostavljanje dokumentacije

Svi zainteresovani aplikanti koji ispunjavaju uslove tražene ovim Javnim pozivom svoje programe/projekte zajedno sa zahtjevom kojeg mogu preuzeti na zvaničnoj web stranici: www.fmks.gov.ba, trebaju dostaviti na adresu:

**Federalno ministarstvo kulture i sporta - Federalno ministarstvo kulture i
športa**

NE OTVARATI – ZA JAVNI POZIV

**Transfer za sport od značaja za Federaciju - „Sufinansiranje sportskih
udruženja i klubova osoba sa invaliditetom“**

Obala Maka Dizdara 2

71 000 Sarajevo

**Na poledini kuverte nužno je navesti naziv pošiljaoca, adresu pošiljaoca,
kontakt telefon i staviti pečat organizacije.**

Prijave se mogu predati isključivo putem pošte u roku od 15 dana od dana objave javnog poziva, zaključno sa 12. 10. 2026. godine.

NAPUTAK APLIKANTIMA

- Prijavni obrazac mora biti elektronski popunjen, potpisan i ovjeren.
- Prijave koje nisu dostavljene na propisanom obrascu, netačne i nepotpune prijave i prijave koje nisu dostavljene u navedenom roku neće biti razmatrane.
- Potrebno je da aplikant dostavi spisak dokumentacije koju je dostavio uz prijavni obrazac.
- Aplikant je odgovoran za tačnost podataka u prijavi na propisanom obrascu. Ukoliko aplikant pogrešno popuni prijavu ili ne dostavi sve tražene dokumente, smatraće se formalno-pravno neispravnim.
- Aplikant je obavezan upisati naziv prioritetnog područja transfera na koji aplicira.
- Finansijski plan, koji se nalazi unutar prijavnog obrasca, treba biti detaljno razrađen po stavkama. U suprotnom će se prijava smatrati formalno-pravno neispravnom.
- Potvrda banke koja ne sadrži identifikacioni broj aplikanta, transakcioni račun aplikanta i izjavu o aktivnosti računa aplikanta neće biti prihvaćena.
- Aplikant je odgovoran za dostavljanje tačnih podataka. Dostavljeni podaci ne mogu se mijenjati za vrijeme trajanja Javnog poziva.
- U toku realizacije projekta bilo koja promjena adrese, broja telefona, promjene kontakta, ovlaštenog lica ili broja računa kod banke, mora biti dostavljena u pisanoj formi ovom ministarstvu. Federalno ministarstvo kulture i sporta neće se smatrati odgovornim u slučaju da ne uspije kontaktirati aplikanta.
- Svi dokumenti moraju biti isključivo na jednom od zvaničnih jezika u Federaciji BiH.
- Ukoliko podnosilac prijave na zatvorenoj koverti ne upiše naziv transfera za koji aplicira te ne navede naziv podnosioca prijave, adresu i kontakt telefon i ne stavi pečat organizacije prijava neće biti uzeta u razmatranje.
- **Dokumente je potrebno numerisati na način da se numerišu svaka stranica/papir redom i da se spiralno uveže kao cjelina.** Numerisanje se vrši redoslijedom kako je navedeno u traženoj dokumentaciji. Dokumentacija koja ne bude uvezana i numerisana na prethodno navedeni način neće biti uzeta u razmatranje i smatraće se formalno-pravno neispravnom.
- Dokazi o realizovanim projektima iz prethodnog perioda koji se neće prihvatati su: fotografije, spisak linkova, CD-ovi, tekstovi objavljeni na društvenim mrežama (Facebook, Instagram, Twitter i sl.), ugovori i odluke o dodjeli sredstava te drugi dokumenti iz kojih nije jasno vidljivo da je aplikant realizovao projekat.
- Svi dokazi za dodatnu dokumentaciju moraju imati vidljive pečate i potpise ovlaštenih lica (sporazumi, memorandumu o saradnji, potvrde, preporuke i drugo).
- O rezultatima Javnog poziva aplikanti će biti obaviješteni putem službene web stranice

<https://fmks.gov.ba> u roku od 30 dana od dana zatvaranja Javnog poziva.

- Svaki član Komisije biće isključen iz postupka dodjele ukoliko se utvrdi da je u sukobu interesa u odnosu na podnosioca prijave, a podnosilac prijave imaju mogućnost prijaviti sumnju na postojanje sukoba interesa, o kojem će davatelj budžetskih sredstava odlučivati pojedinačno o svakoj prijavi.
- Podnosiocima prijava po Javnom pozivu dopušta se izjavljivanje prigovora u roku od pet (5) dana od dana objave rezultata formalno-pravne ispravnosti podnesenih prijava.
- Dopuna dokumentacije nakon isteka roka za dostavljanje prijava nije dopuštena.
- Revidirane proračune aplikanti koji zadovolje uslove za finansiranje dužni su poslati najkasnije u roku od 48 sati od datuma zaprimanja informacije o dodjeli sredstava.
- Aplikanti koji su zadovoljili uslove za potpisivanje ugovora o dodjeli sredstava dužni su cjelokupnu projektnu dokumentaciju dostaviti skeniranu na USB stiku.
- Aplikanti su prilikom pravdanja sredstava dužni uz štampani dokaz dostaviti cjelokupni finansijski izvještaj skeniran na USB stiku.
- Korisnici mogu podnijeti zahtjev za dodjelu sredstava u minimalnom odnosno maksimalnom iznosu u skladu sa predviđenim rasponu za svaku pojedinu tačku.